

НЭ'МА ПЭТРУСЭ ПЕШЬН

Пешготьна институте

Пэтрусе^ф шанди^ф бь ве нэ'ма хвэйэ пешьн бэрбьр'и щьмэ'та Хвэдейэ бьжарти дьбэ, аша готи ван бавэрмэнда, йед кө бэлайи бак'ура Асия Бьч'ук бьбун, кө пенц қэза дьк'этьнэ нава we, бь һ'эсабе иройин Т'ьркийайеда нэ. һ'имед щьвинед^ф ван қэза һьнэк бь худана Павлос, һьнэк жи бь йа һэвал-хэбатед ви һатьбунэ авитьне. Ль гора шэ'дэтийа щьвина сэдсалийа дөдада Пэтрус эва нэ'ма Р'омайеда^ф, бь навэки сөр'аша готи «Бабилонеда^ф» (5:13), бэри көштьна хвэ сала 65-да ньвисийэ, гава мэсиһи^ф жь дэст Нероне Қэйсэре^ф Императорийа Р'омайе дьһатьнэ зерандьне.

Мэрэме ве нэ'ме эw э, кө дьл бьдэ бэр ван хвэндэвана, к'ижан кө бавэрийа^ф хвэ Иса тиньн у нава тэнгаси^ф у зерандьнада нэ. Хөдане^ф нэ'ме ве ньвисареда нэхше Иса дьдэ к'ьфше кө чава щэфе ви, мьрьн, р'абун у созе һатьна ви ван бавэрмэндар'а гөманэкэ мэзьн пешда тинэ. Бь ве дитьне гэрэке бавэрмэндед р'аст жи нава щэфада тэях кьн, чьмки эва йэка дьдэ к'ьфше, кө эw р'аст бавэрийеда п'ега Исада дьчьн. У эвед кө we тэях кьн, гава Иса Мэсиһ диса э'йан бэ, эве ван хэлат кэ.

Өса жи хөдане ве нэ'ме һиви жь хвэндэвана дькэ, кө эw һэр т'ьм һ'ьшйар у һазьр бьн, нава жийина пирозийеда^ф, һ'ьзкьрьна ванэ һьндава һэвда дөр'ути нибэ у бьбьнэ п'арьстгәһед^ф сах, ль сэр ви р'ьк'ьне наве Мэсиһ чекьри.

Сэрэщэма фькьра нэ'ме

Пешготын (1:1-2)

Биранина кьред Хвэдейэ бона хьлазбуне^ф (1:3-12)

Ширэтед бавэрмэндар'а, кө бь жийина пироз
бьжин (1:13-2:10)

Борщед бавэрмэнда дэма щэфа у тэ'ли-тэнгийада
(2:11-4:19)

Хвэденасийа мьлук у хьзмэтк'арийа ван (5:1-11)

Пашготын (5:12-14)

Сьлавкьрын

1 ¹ Жь Пэтрус^ф, Шандийе Иса Мэснх,
Щьмэ'та Хвэдейэ бьжартир'а, йа кө ль вэлаетед
Понтосе, Галатйайе, Кэпэдокйайе, Асйайе у Битенйайеда
хэриб бэлабуйи йэ. ² Нун ль гора we қьрара Бав^ф Хвэдейэ
пешда натьнэ бьжартыне у бь Р'өһ'е Пироз бөһөрти-
жьбарэ дьбьн, вэки гөһдарийа Иса Мэснх бькьн у бь хуна
вийэ р'ети бенэ пақьжкьрыне:

Дэ бьра к'эрэм^ф у э'дълайи һе ль вэ зедэ бэ.

Р'азибун бона гөмана сахийе

³ Шькьр жь Хвэдер'а, Баве Хөдане^ф мэ Иса Мэснх, кө жь
р'э'ма хвэйэ п'ьр', шарэкэ дьн эм дьне хьстын, бь р'абуна
Иса Мэснхэ жь мьрийа, вэки бьбьнэ хвэйе гөмана сах ⁴ у
ван соз-қьраред нэбэталэ нэр'ьзи у нэч'ьлмьси war бьн.
Эвана ль э'змана вэр'а хвэйкьри нэ. ⁵ У қəwата Хвэде
пе бавэрийа^ф вэ вэ хвэй дькэ, бона we хьлазбуна^ф
һазькьри, йа кө ахьрийа зэменда we хөйа бэ.

⁶ Һун бь we ша дьбьн, р'аст э ньһа жи өса дьрәшәмә кө һун һьнәки мә'дәкьри нә, жь дәст щур'ә-щур'ә щер'ьбандьна^ф. ⁷ Әв йәк дьбә сәбәб, wәки хальсийа бawәрийа wә һе бь қимәт к'ьфш бә, нә кө әw зер'е кө нава егьрда те щер'ьбандьне ле диса онда дьбә у бь ви аwайи әw бawәрийа wә we һежайи пәсьн, р'умәт у қәдър бә, wәхте хөйабуна Иса Мәсиһ. ⁸ Wә әw нәдитийә, ле һун wi һ'ыз дькьн, ньһа жи набиһьн, ле wi бawәр дькьн у ша нә бь we әшқа мәзьнә хwәйир'умәт, кө бь зара^ф найе готьне. ⁹ Чьмки һун хьлазкьрьна^ф р'өһ'е хwә дьстиньн, кө мәрәме бawәрийа wә йә.

¹⁰ Бона we хьлазбуне п'ехәмбәр ле гәр'ийан у к'әтьбунә бьн ә'нәна у бона we к'әрәма^ф кө we wәр'а бьбуяа п'ехәмбәрти^ф кьрьн. ¹¹ Р'өһ'е Мәсиһи нава wанда һе пешда ль бәр wан вәдькьр, кө Мәсиһе щәфе бьк'ьшинә у пәйр'а бьк'әвә р'умәта хwә. У wан дькьр кө бьзаньбьн к'а бона к'әнге у зәманәки чаwада әв йәке бьрәшәмьн. ¹² Ль бәр wан вәбу, wәки әw нә кө бона хwә, ле бона wә хәбьтин, гава әw тьштед ньһа wәр'а бь дәсте wан һатьнә готьне, йед кө Мьзгини wәр'а даннасин кьрьн, бь Р'өһ'е^ф Пирози кө жь ә'змен һатә шандьне. Мьльак'әт^ф жи дәмана wан тьштада нә, кө һәма бьбиньн.

Һ'ьшйар у пироз^ф бьн

¹³ Бона we йәке һун фькьред хwәда пыштгьредайи у һ'ьшйар бьн, т'ам гөмана хwә бьдьнә сәр we к'әрәме, йа кө we wәр'а бе дайине, wәхте хөйабуна Иса Мәсиһ. ¹⁴ Мина зар'ед гөһдар бьн, нәбьнә мина wi wәхте дьлхwәстьнед хwәйә нәзанийа хwәда. ¹⁵ Ле мина wi Пирозе кө гази wә кьр, һун жи пироз бьн нава һ'әму р'абун-р'уһьштьна

хвэда. ¹⁶ Чава ньвисар э: «Пироз бьн, чьмки эзи пироз бьм»*.

¹⁷ Нэгэр хүн бир'а Баво дьбежьн, йе кө бе фьрқи дивана һэр кэси вэкэ э'малед ви дькэ, кө өса йэ ви вэхте хэриб-фьрарийа хвэйэ ве дьне бь хофа Хвэде дэрбаз кьн. ¹⁸ Чьмки хүн заньн вэки хүн жь р'ав-р'эзьмед^ф кал-бавайэ бекер, пе ван тыштед кө онда дьбьн, ава готи зер'а йан зива нэһатьнэ к'ьр'ине, ¹⁹ ле пе хуна Мэсиһэ қимэт-гьран, кө эв чава бэрхэкэ бекөсур у белэк'э бу. ²⁰ Эв һе бэри дэстпебуна дьнийае к'ьфшкьри бу, ле ван ахьрийада бона вэ э'йан бу. ²¹ Бь ви вэ бавэрийа хвэ ви Хвэдейи ани, йе кө эв жь нава мьрийа р'акьр у р'умэт да ви, лэма бавэри у гөмана вэ сэр Хвэде йэ. ²² Ава вэ гөһдарийа р'астийе кьр у бь ви авайи хвэ пақьж кьр, кө һ'эзкьрна вэ һьндава хушк-бьрада бе һ'элак'ари бэ, ньһа бь дьле сах һэвдө қайим һ'эз бькьн. ²³ Хүн нэ кө жь һавене п'уч' диса дьне к'этьнэ, ле жь йе нэп'уч', жь хэбэра Хвэдейэ хвэйиэ'мьрэ һ'эта-һ'этайе. ²⁴ Чьмки

«Һ'эму мэрвь^ф мина гиһе нэ
у т'эмамия р'эвша ван мина гөле гиһе.

Гиһа һ'эшк дьбэ у гөлед ве же дьварьн,

²⁵ ле хэбэра Хөдан һ'эта-һ'этайе дьминэ»*.

Эв эв хэбэр э, кө бь Мьзгинийе вэр'а һатэ дайине.

Кэвьре сах у мьлэте пироз

2¹ Дэ һэр щур'э хьрабийе, дэрэвийе, дөр'утийе, һ'эвсудийе у бөхданбежийе жь п'еша хвэ давшиньн.

² Мина дэргушед ль бэр бьстен, һ'эйра шире сьпийи

* 1:16 Қануна К'аһинтийе 11:44-45; 19:2; 20:7.

* 1:24-25 Ишайа 40:6-8.

1 ПЭТРУС 2:3–10

р'öh'анида бьн, кө һун бь ви хьлазбунер'а мэзын бьн.
³ Чьмки ньвисар э: Wэ «тэ'ма ширьнайийа Хөдан һылдайэ»*. ⁴ Хwэ ль ви быгьрн, ви кэвьре сахи кө жь мэрьва т'эхсиркьри^ф йэ, ле жь Хwэдеда бьжарти у хwэйиқэдър э. ⁵ һун жи мина кэвьред сах, п'арьстгәһәкә р'öh'ани wэрнә чекьрне, чава к'аһинед^ф пироз қөрбанед^ф р'öh'анийә ль Хwәде хwэш бь Иса Мәсиһ бьдьн. ⁶ Чьмки к'ьтебеда ньвисар э:

«Ва эз Сийонеда^ф кэвьрэки жьбарэийи у хwэйиқэдър
чава кэвьре ә'нишке^ф датиным
у к'и бawэрийа хwэ ви бинә т'ө щар we шәрми
нәминә»*.

⁷ Аwа әw кэвьр бона wә бawэрмәнда хwэйир'умәт э, ле бона нәbawәра:

«Әw кэвьре кө һоста т'эхсир кьр, әw бу сәре ә'нишке»*,
⁸ «Qэйайе кө мэрьв же һол дьбьн
у кэвьре кө сәрда дьльк'өмьн»*.

Әw дьльк'өмьн, чьмки гөһдарийа хәбәре накьн у чава we йәкер'а жи к'ьфшкьри нә.

⁹ Ле һун қәбиләкә жьбарә нә, к'аһинед п'адшатиye, мьләте бөһөрти, щьмә'та Хwәде, wәки к'әрәмәтед* ви бькьнә дәнги, йе кө һун жь тә'ристанийе гази р'онайа хwэйә һ'өжмәк'ар кьрнә. ¹⁰ Wәхтәке һун нә т'ө щьмә'т бун, ле ньһа бунә щьмә'та Хwәде, һунә бе р'ә'ма Хwәде бун, ле ньһа wә р'ә'м дитийә.

* 2:3 Зәбур 34:8.

* 2:6 Ишайа 28:16.

* 2:7 Зәбур 118:22.

* 2:8 Ишайа 8:14.

* 2:9 Аһа жи те фә'мкьрне: «Т'ор'ьнтийа ви».

Хөламед Хвәде

¹¹ Дәлално! Эз һиви жь вә дькьм, чава мәрвевд фьрари у хәрибә ве дьне, һ'әвза хвә жь дьлһавьжийед бәдәне бькьн, кө мьқабьли р'öh'e вә шәр' дькьн. ¹² Нава п'утп'арьстада^ф һун хвә өса п'әргал хвәй кьн, вәки чь тыштида жи вә р'әзил бькьн чава хьраб, кьред вәйә қәнщ бьбиньн у шькьрийе бьдьнә Хвәде, ве Р'ожа кө сәрики бьдә дьне.

¹³ Гөр'а^ф һәр сәрверийед мәрвайеда бьн, бона хатьре Хөдан, гөр'а п'адшеда бьн, чава сәрвере һәри бьльнд, ¹⁴ өса жи гөр'а вәлийада^ф бьн, кө жь алийе п'адшеда шанди^ф нә, вәки щәзайе бьдьнә нәһәқа у пәсьн жи бьдьнә қәнща. ¹⁵ Чьмки эв ә қьрара Хвәде, кө һун бь қәнщикьрне дәнге мәрвевд беһ'ьшә нәзан бьдьнә бьр'ине. ¹⁶ Мина мәрвевд аза бьжин. Бьра азайийа вә нәбә хелийа хьрабикьрне, ле бьжин чава хөламед Хвәде. ¹⁷ Қәдье һ'әмуйа бьгьрн хушк-бьра һ'ыз бькьн, жь Хвәде бьтърсьн, қәдье п'адше бьгьрн.

Һун жи р'ийа Мәсиһә щәфада һәр'ьн

¹⁸ Хөламно, бь хофк'ешикә мәзьн гөр'а ахайед хвәда бьн, нә кө т'әне гөр'а йед қәнщ у бәрбьһерада бьн, ле гөр'а зөлмк'арада жи. ¹⁹ Чьмки эва бәхтәварик ә, һәгәр йәк бона хатьре Хвәде щики һәқи-нәһәқ залулийе дьк'ьшинә у сәбьр дькә. ²⁰ Ле чь фәйдә һәгәр һун бона гөнәкьрне бенә ледане у сәбьр кьн? Ле һәгәр һун бона қәнщикьрне щәфе бьбиньн у сәбьр кьн, һун ль бәр Хвәде бәхтәвар ьн. ²¹ Бәле һун ве йәкер'а һатьнә газикьрне, чьмки Мәсиһ хвәха жи бона вә щәфа к'ьшанд у нәхшәк вәр'а һьшт, вәки һун п'егәһа вида һәр'ьн. ²² Әви гөнә нәкьр у заре

вида һ'ълэк'ари т'өнэбу.* ²³ Гава дьһатэ р'эзилкърьне, жь бэрва кэс р'эзил нэдькър, гава щэфа дьк'ышанд, гэф ль кэсаки нэдьхвар, ле хвэ спартьбу^ф һ'акьме сэр р'астийе. ²⁴ Эви гөнед мә бэдэна хвэда р'акърьнэ сэр даре, вэки эм һьндава гөнада мьри* бьн у бона р'астийе бьжин: Бь дэхмед ви һун қэнщ бун. ²⁵ Чьмки һун мина пэзед хальфи^ф бун, ле ньһа һун ль Шьван у Сэ'вийе р'өһ'е хвэ вэгэр'ийанэ.

Т'эмийа бона жьн у мер

З ¹ Өса жи к'өлфэтно^ф, гөр'а мере хвэда бьн, вэки жь ван һьнэк жи, һэгэр гөһдарийа хэбэре накьн, бь п'эргалийа жьнед хвэ, бе готьн жи бенэ сэр бавэрийе ² гава п'эргалийа вэйэ хофэ у навэ-намус бьбиньн. ³ Бьра хэмьла вэ дэрвава бь гөливэгьртъне у т'ор'ед зер'а, йан жи бь к'ьнща нибэ, ⁴ ле йа мэрьве һьндөр'е дьлда, р'өһ'эки мьлук у гьранэ бэдэвэтийа нэбэтал э, кө ль бэр Хвэде п'ьр' бь қимэт э. ⁵ Чьмки бэре бь ви тьһэри к'өлфэтед пирозэ кө гөмана хвэ данибунэ сэр Хвэде, хвэ дьхэмьландьн, хэмьла ван эв бу кө гөр'а мере хвэ бькьрана, ⁶ мина Сэрайе кө гөр'а Бьраһимда^ф бу у дьготэ ви: «Хвэйе мьн». Иди һунэ қизед ве дейе нэ, һэгэр һун хвэ ль қэнщийе дьгьрьн у жь т'ө тьшти натьрсьн.

⁷ Өса жи мерно, бь ф'эмдарийе э'мьре хвэ т'эви жьнед хвэ дэрбаз кьн, чава қьсьме сьст қэдьре ван бьгьрьн, өса жи чава һэвалваре ве жийина кө һуне п'ешк'еш^ф бьстиньн, вэки т'ө тьшт нэбьнэ байисе дөайед вэ.

* 2:22 Ишайа 53:9.

* 2:24 Бь готьнэкэ дьн: «Жь гөна дур» йан «аза».

Щэфе бона р'астийе бьк'ьшиньн

⁸ Нэйнэсэр һ'эму жи сэр нетэке бьн, сэр һэв шэват бьн, һэв һ'эз бькьн, р'эм у шкэсти бьн. ⁹ Жь бэр хьрабийева хьрабийе нэкьн, йан жь бэр бехөрмэткьрьнева бехөрмэткьрьне, ле жь бэр ванва д'оа-д'розга ль ван бькьн, чьмки хун ве йэкер'а һатьнэ газикьрьне, вэки д'оа-д'розге создайи сэр вэда бе. ¹⁰ Чьмки ньвисар э:

«К'и жийине бэгэм дькэ
у дьхвазэ р'ожед хвэш бьбинэ,
брьа зьмане хвэ жь хьрабийе хвэй кэ
у заре хвэ жи жь дэрэвийе.

¹¹ Бьра жь хьрабийе вэгэр'э, қэнщийе бькэ
у э'д'лайийе бьгэр'э, ль пэй we һэр'э.

¹² Чьмки ч'э'ве Хөдан ль сэр р'аста йэ
у гөһе wi сэр д'оайе ван э,

ле Хөдан мьрабьли ван э, йед кө хьрабийе дькьн»*.

¹³ К'и we хьрабийе ль вэ бькэ, һэгэр хун дэмана қэнщикьрьнеда бьн? ¹⁴ Ле һэгэр хун бона р'астийе щэфе жи бьбиньн, хунэ хвэзьли нэ! Иди жь мэрьва нэтърсьн у хвэ онда нэкьн. ¹⁵ Ле бэле Мэсиһ чава Хөдане пироз дьле хвэда бьльнд бьгьрьн. һэр гав һазьр бьн, шаба ван һ'эмуйа бьдьн, йед кө бона we гөмана нава вэда дьпърсьн. Ле we йэке бь хоф у мьлуктийе бькьн, ¹⁶ хвэйе исафа^ф р'ьһ'эт бьн, вэки, гава хун бенэ р'эзилкьрьне, йед кө п'эргалийа вэйэ қэнщэ т'эви Мэсиһ бехөрмэт дькьн, шэрми бьн. ¹⁷ һе қэнщ э, һэгэр қьрара Хвэде йэ, эм бона қэнщийе щэфе бьк'ьшиньн, нэ кө бона хьрабийе. ¹⁸ Чьмки Мэсиһ щарэке бона һэр т'ьм бона

* 3:10-12 Зэбур 34:12-16.

гöна щэфа к'ьшанд*, йе һэq бона нэһэqа, wэки мә незики Хwэде кэ. Эw алийе бэдэнида һатэ кöштъне, ле алийе р'öh'анида жийинер'a һатэ вэгэр'андъне. ¹⁹ Бь р'öh'ани чу нава ван р'öh'ед кэледа даннасин кър, ²⁰ йед кö wэхтэке нэ гöһдар бун, гава Хwэде бь думька дьреж сэбър дькър, ви зэмане Нöһда^ф, гава гэми дьһатэ чекъръне. Веда һьндьк, ава готи һ'эйшт нэфс «нава аведа» хьлаз бун. ²¹ Эw ав сурэте ньхöмандъне^ф бу, к'ижан ньһа wэ хьлаз дькэ. Эw ньхöмандьн нэ кö wэ жь қьлера бэдэне дьшо, ле жь исафа р'ьһ'эт шэ'дэтик э ль бэр Хwэде*. Эw йэк бь р'абуна Иса Мэсиһэ жь мърйяа wэ хьлаз дькэ, ²² йе кö чуйэ э'змен, ль мьле Хwэдейи р'асте йэ у мьльйак'эт, һ'öкöмэт у qöдрэтед р'öh'ани бьн гөр'a вида нэ.

4 ¹ Ава Мэсиһ кö бона мә бэдэни щэфа к'ьшанд, хун жи бь we нет-фькъре сильһ'кърйи бьн. Чьмки йе бь бэдэни щэфа к'ьшанд, ви дэст жь гöна к'ьшандийэ, ² wэки иди һ'эта мърьна хwэ, нэ кö ль гора дьлһавьжийед хwэйэ мэрьвайи бьжин, ле ль гора қьрара Хwэде. ³ Бэси wэ йэ, кö wэ wэхте жийина хwэйэ бьһöрида ль гора хwэстьна п'утп'арьста^ф дэрбаз кърййэ, хун пэй һ'эрабийе^ф, тэмхwэстьнед хьраб, пэй-вэхварьне, куч'ьксантийе, сэрхwэшийе у п'утп'арьстийа к'ьрет к'этьбун. ⁴ Эw п'утп'арьст э'щербмайи жи дьминьн, wэки хун т'эви авитийа ванэ бенамуси набьн у наве хьраб ль пэй wэ дьхьн. ⁵ Ле эве ль бэр ви щабдар бьн, йе кö һазьр э диwана мьри у зендийа бькэ. ⁶ Бона ве йэке жи

* 3:18 Аһа жи те фэ'мкъръне: Дэwса «щэфа к'ьшанд» «мър».

* 3:21 Аһа жи те фэ'мкъръне: «Ле ньхöмандьн бона исафа қэнщ шэ'дэти йэ ль бэр Хwэде». Дэwса хэбэра «шэ'дэти» һьнэк «дэлилэк» фэ'м дькьн.

ван мърыйар'а Мьзгини hatə дайине, йед кө бь бэдэни мина мэрьва диwana ван hatə кьрьне, wəки бь р'öh'ани бьжин мина Хwəде.

П'ешк'ешед Хwəдейə бона щьвине^Ф

⁷ Ахьрийа һәр тышти незик буйə. Аwa сэрwахт у сэр хwə бьн, кө бькарьбьн дəа бькьн. ⁸ Бəри һәр тышти, һ'ьзкьрьна wə һьндава һəвда бь дьл у щан бə, чьмки һ'ьзкьрьн гэлək гəна дьньхемə. ⁹ һьндава һəвда меванһ'ьз бьн, бина хwə тəнг нəkьн. ¹⁰ Жь wə к'е чь п'ешк'еш стандийə, бь we жи һəвр'а хьзмəтк'арийе бькьн, чаwa wək'илед qəнщə ван к'эрəмед Хwəде. ¹¹ һəгэр йək хəбэр дьдə, бьра готьнед Хwəде хəбэр дə, һəгэр йək хьзмəтк'арийе дькə, бьра бь we qəwate бькə, кө Хwəде даие, wəки һәр тыштида наwe Хwəде бе бьльндкьрьне бь Иса Мəсиһ, шькьр у qəдрəт жь wир'а һ'этa-һ'этaйе. Амин^Ф.

Щəфа у тəли-тəнгийед бона наwe Иса Мəсиһ

¹² Дəлално! Жь we алава тəнгасийе^Ф əщeбмайи нəбьн, кө бона щер'ьбандьне те сəре wə у нəфькьрьн кө əв чь бəла бу ль wə qəwьми. ¹³ Ле ша бьн, кө һун т'əви щəфед Мəсиһ дьбьн, wəки wi wəхте хəйабуна р'умəта wi һунe жь шабунe гəш бьн. ¹⁴ һəгэр һун бона наwe Мəсиһ бенə р'əзилкьрьне, һунə хwəзьли нə, кө əса йə Р'öh'e хwəйир'умəт, Р'öh'e Хwəде сэр wə данийə.* ¹⁵ Бьра жь wə т'ə кəс щəфе нək'ьшинə, чаwa меркəж, йан дьз, йан зəлмк'ар, йан жи т'əви шьхəле хəлqe буйи. ¹⁶ Ле һəгэр щəфе бьк'ьшинə чаwa мəсиһи^Ф, бьра шəрм нəkə, ле

* 4:14 Нав дəстньwисаред һьнəкaдa əв жи һəйə: «Жь алийе wanwa əв те бeһöрмəткьрьне, ле жь алийе wəwa те бьльндкьрьне».

шькьрийе бьдэ Хвэде бона ви нави, кө сэр ви йэ. ¹⁷ Иди вэхт пер'а гъиштийэ, вэки диван жь мала Хвэдеда дэстпедэ у һэгэр пешда жь мэда дэстпедьбэ, ле ахьрийа ване чава бэ, йед кө гөр'а we Мьзгинийа жь Хвэде накьн? ¹⁸ Ньвисар э:

«Һэгэр йе р'аст we бь зорэке хьлаз бэ,
иди һ'але нэп'ак у гөнэк'ара^Ф we чава бэ?»*

¹⁹ Ава йед кө ль гора қьрара Хвэде щэфе дьк'шиньн, бьра хвэ ль қэнцийе бьгьрн, р'öh'e хвэ бьсперьнэ^Ф Ә'фьрандаре хвэйи амьн.

Бона кэре пэзе Хвэде

5 ¹ Эз һиви жь бэрпърсийаред нава вэда дькьм, эз хвэха жи чава бэрпърсийар у шэ'де щэфед Мэсиһ у һэвал-п'аре we р'умэте мэ, йа кө we хойа бэ. ² Шьвантийе ви кэрийе пэзе Хвэдеи ль бэр хвэ бькьн*, нэ кө бе дьл, ле бь дьл у щан өса хвэй кьн, чава Хвэде дьхвэзэ, нэ кө бона к'ара хвэ, ле бь р'эзэдьли, ³ нэ кө ль сэр йед кө п'ара вэ к'этьнэ һ'өкөм кьн, ле нэхше қэнц нишани кери кьн. ⁴ У гава Сэрэкшьван э'йан бэ, һуне we к'офийа^Ф р'умэте бьстиньн, кө ч'ьрусийа we онда набэ.

⁵ Өса жи щаһьлно, гөр'а мэзьнада бьн. У һун һ'эму жи, ль бэр һэв шкэсти бьн, хөламтийе һэвдөр'а бькьн, чьмки ньвисар э:

«Хвэде мьқабьли к'обар-бабаха йэ,
ле к'эрэме дьдэ шкэстийа»*.

* 4:18 Готьнед Сьлеман 11:31.

* 5:2 Нав дэстньвисаред һьнэкада аһа йэ: «Чава сэ'ви».

* 5:5 Готьнед Сьлеман 3:34.

⁶ Бън дэсте Хвэдейи зор та бьн, кӧ эв вэхтда вэ бьльнд кэ ⁷ у һ'эму хэмед хвэ бавежьнэ сэр ви, чьмки эв бона вэ хэм дькэ.

⁸ Сэрвахт бьн, һ'ьшйар бьминьн! Мирещьне^Ф нэйаре вэ мина шер мьр'э-мьр'а ви йэ, дьгэр'э к'а к'е һ'уфи хвэ кэ. ⁹ Бавэрийеда һ'имгьрти мьрабьли ви р'абьн, чьмки һун заньн кӧ хушк-бьред вэ жи т'эмабийа дьнийайеда хут ван щэфа дьк'ьшиньн. ¹⁰ Ле Хвэдейе һ'эму к'эрэма, йе кӧ пе Мэсйһ һун газы р'умэта хвэйтэ һ'эта-һ'этайе кьрьнэ, пэй һьнэк щэфа дитьнер'а, ве хвэха вэ к'амьл кэ, бышьдина, қэват кэ, хвэйибьнгэһ кэ. ¹¹ Қӧдрэт жь wir'а һ'эта-һ'этайе. Амин.

Сьлавед ахьрийе

¹² Мьн бь дэсте Силас*, чава бьраки амьн эз ви һ'эсаб дькьм, кьн вэр'а ньвиси, дьл дьдьмэ вэ у шэ'дэтийе дьдьм, кӧ эв э к'эрэма Хвэдейэ р'аст. Веда һун қэвин бьсэкьньн. ¹³ Щьвина^Ф Бабилонеда^Ф* ль вэ сьлав дькэ, йа кӧ т'эви вэ һатийэ бьжартьне, ӧса жи лаве мьн Марқос. ¹⁴ Бь р'амусана һ'эзкьрьнейэ дьле сах һэвдӧ сьлав кьн. Дэ бьра э'дьлайи ль вэ һ'эмуйед п'ара Мэсйһ бэ. Амин.

* 5:12 Бь йунани «Силвано» ньвисар э, кӧ щур'эки наве «Силас» э.

* 5:13 Бь фькьра һьнэка һьнге бавэрмэнда бажаре Р'ома^Ф Италийер'а дьготьн «Бабилон».